

He Whakatau

Me mātua pānui kia marama rawa koe ki ngā whārangi 8–14 o tēnei pukapuka.



He whakarāpopoto

Pānuitia te whakarāpopoto ki te ākonga. I ahatia te taika i te ata nei?

He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena, ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou me te āta whakamahi i te papa kupu me ngā whakaahua kei te uhi. Me whakamaumahara hoki te ākonga ki te pātai i a ia anō i te wā e pānui ana ia mai i te tīmatanga ki te mutunga o te pānui.

Whakawhiti kōrero mō te mahi a te taika. Kei te aha te taika? He aha ai?

Matapakia te nohoanga, te kai, me te āhua a te taika.

Matapakia me te ākonga te whakamoretanga o ngā taika? He aha ai?

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tātari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e marama ana mā te whai i tētahi o ngā huarahi e whai ake nei:
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā mātua, te raupapatanga, ngā kiripuaki;
 - te whakatenatena i te ākonga ki te titiro ki mua, ki te matapai hoki, i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini kōpae puoro, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;
- ki te whakaharatau kia eke te ākonga ki tētahi atu taumata.

He whakapuaki māramatanga

1. He aha te kaupapa o tēnei pukapuka?
2. He aha te take i pērā ai te tia?
3. He aha kē ngā rerekētanga i waenganui i te taika me te tia?
4. Mā te aha e āhei ana a taika ki te kai?
5. Ki ōu whakaaro, he kino, he pai rānei ngā taika?

Ngā whakautu ki ngā whakapuaki māramatanga

1. Ko te wero o te taika kia kimi kai.
2. Nō te mea ko te mīti te kai pai mō ngā taika.
3. I kai mīti te taika, i kai otaota te tia.
4. Mā ngā niho me ngā matikara tino koi.
5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuatanga o te pukapuka nei.

Te pūtake

T He rapu mōhio mai i te tuhinga paki.

He whakatakinga ā-roro, he whakaharatau

I mua i te pānui pukapuka, matapakia ngā mahi a te taika.

Kia oti i te ākonga i te pukapuka, matapakia he whakaari mō tēnei pukapuka. Hangaia ngā huna kanohi o te taika me te tia mō tētahi whakaari.

He aha i tuhi ai te kaituhi i tēnei kōrero?